


Lefu la maoto le molomo

Ke lefu le kotsi le bileng le atang ha bobebe. Le bakwa ke kokwanahloko. Kokwanahloko e fumanwa mekedikeding yohle ya mmele e jwalo ka mathe, moroto, mantle, lebese esitana le moyeng o hemelwang kantle ke diphoofole tse nang le lefu lena.

- Diphoofole di fumana lefu lena ha di ja kapa di hema kokwanahloko ena ho tswa ho mekedikedi ya mmele.
- Batho le bona ba ka atisa kokwanahloko ena ka diaparo tse sa hlatsuwang, dieta, matsoho le mathaere a dikoloi.
- Diphoofole tse ka kulang haholoholo ke dikgomo, empa dikolobe, dipodi, dinku le diphoofole tse ding tse nang le ditlhako tse arohaneng, ho kenyelletsa diphoofole tsa thoteng, di ka boela tsa tshwaetswa ke lefu lena.

Matshwao ke afe?

- Letswabadi le diso ka hara molomo (marenene, dipounama le leleme), di retetse hape di bohloko, ho etsang hore ho be thata bakeng sa diphoofole ho ja mme ha ngata sena se baka ho qhitsa.
- Matswabadi le diso dipakeng tsa menwana ya maoto moo teng ditlhako di kopanang le letlalo di ka baka hore diphoofole di hlotse mme di se batle ho tsamaya. Ka nako tse ding di ka lahlehelwa di dinala kapa ditlhako tsa tsona.
- Dikgomo di ka ba le diso ditlhokong tsa tsona. Sena se baka ho fokotseha ha tshohanyetso tlhahisong ya lebese.



Hobaneng ha sena se le bohlokwa?


- Borapolasi ba ka lahlehelwa ke tjhelete hobane diphoofole tse kulang di fokollwang ke mmele, ha di hole mme di hlahisa lebese le lenyane. Manamane a ka shwa.

- Tjhelete e ngata e sebedisetswa ho laola lefu lena, jwalo ka ho aha le ho tshehetsa jarete esitana le ho hlahloba diphoofolo bakeng sa lefu lena.
- Dinaha tse se nang lefu lena di keke tsa reka diphoofolo, nama kapa dihlahiswa tsa nama ho tswa Afrika Borwa ha lefu lena le ata ho potoloha le naha.



Ke hokae moo lefu lena la maoto le molomo le etsahalang teng?

Mona Afrika Borwa, nare mane Kruger National Park e ba le lefu lena empa ha e bontshe matshwao. Ka nako tse ding dikgomo tse potapotileng Kruger di ka tshwaetswa ke lefu lena ho tswa ho nare e balehileng mane Pakeng. Ho thibela lefu lena ho ata, sebaka se potolohileng Kruger se etsetswa jarete ho arohanya dikgomo tse na le tse ding tsa naha ka bophara. Sebaka sena se bitswa ka hore ke Lebatowa la Tshireletso. Dikgomo tsohle sebakeng sena di a hlahlojwa mme tse ding di a entwa (ke mmuso) ho sireletsa diphoofolo le ho thibela ho ata.



Ela hlooko:

Batho ba keke ba kula ho tswa ho
Lefu la maoto le molomo

Seo o lokelang ho se etsa ha diphoofolo di tshwaetswa ke lefu lena:

- Haeba o bona matshwao afe kapa afe a Lefu la maoto le molomo dikgomong tsa hao, ikopanye hang le Setsebi sa hao sa Bophelo bo Botle ba Diphoofolo kapa Ngaka ya Diphoofolo ya Mmuso.
- Haeba lefu lena le le teng, diphoofolo tsa hao (le dihlahiswa tsa diphoofolo) di keke tsa dumellwa ho leba dibakeng tse ding ntle le lengolo la tumello ya motsamao e tswang Kantorong ya Porovense ya Ngaka ya Diphoofolo.
- Mmuso o ka etsa qeto ya ho enta dikgomo tse phetseng hantle ha ho na le lefu lena ka hare ho sebaka.

Bakeng sa tlhahisoleseding e kenelletseng ikopanya le setsebi sa bophelo bo botle ba diphoofolo kapa ngaka ya diphoofolo ya mmuso/poraevete e haufi le wena

Bolaodi: Bophelo bo Botle ba Diphoofolo

Lekala la Maano, Ditlwaelo le Maemo

Mohala: +27 12 319 7414

Fekse: +27 12 319 8292

Webosaete: www.daff.gov.za

Kgothaletso le Tlhokomediso

Bolaodi: Maemo a ho Reka le ho Rekisetsa Dijo Dinaheng tsa Kantle

Lekala la Kgothaletso ya Bophelo bo Botle ba Diphoofolo

Mohala: +27 12 319 6004/6117/6444

Imeile: info.sps@daff.gov.za

Webosaete: www.daff.gov.za